

Պատմութենէն յայտնի է Նաբոլէոն Պոնաբարդի արշաւանքը դէպի Եգիպտոս, որուն գրաւումէն յետոյ ան յարձակեցաւ Սիւրիոյ կողմերը. էլ—Արիշի և Գաղայի տիրելէ վերջ պաշարեց Եաֆան և յարձակմամբ առաւ քաղաքը. երեսուն ժամ կողոպուտի մասնեց զայն, և վեց հազար թուրք բանտարկեալներ կոտորել տուաւ, և քաղաքի մթերանոցներուն մէջ գտնուած պաշարով պարենաւորեց իր բանակը՝ որ ժանտախտով վարակուեցաւ: Նաբոլէոն քաղեց Աքքեայի վրայ, ուր կ'իշխէր հին Մէմլուք մը՝ ձէզար Փաշա, սնգթութեամբը անուանի կառավարիչ մը. ան ներքուստ և արտաքուստ զօրացուց քաղաքը. և Նաբոլէոնի բուռն և բազմիցս յարձակումները չկրցին տկարացնել պաշարեալներու ընդդիմութիւնը. ծովէն կը պաշտպանուէր անգղիացիներէն և թուրքերէն. ցամաքի կողմէն ալ թրքական նոր ոյժեր հասնելով ձէզար սաստկացուց իր ընդդիմութիւնը. Նաբոլէոն ստիպուեցաւ Եգիպտոս քաշուիլ ու քարուքանդ ըրաւ Աքքեան. ան կործնցուց իր զօրաց կարիտը մէկ մասը պատերազմի մէջ և ժանտախտին վարակումով: Աքքեայէ վերադարձին կործանեց Յոպպէի պարիսպը, բնակիչները ենթարկեց զանազան նեղութիւններու և հարիւր քսակ արծաթ Հայոց վանքէն տուգանք պահանջեց. մոխիրի վերածեց բոլոր երեւիլ շէնքերը, որոնց մէջ կը գտնուէին Հայոց վանքին տուները և մթերանոցները: Նաբոլէոն Յոպպէ գտնուած ժամանակ իր ժանտախտաւոր զինուորներուն համար վանքերը գործածեց իբր հիւանդանոց, ինչպէս նաև Հայոց վանքը: Աւանդութեամբ մինչև ցայսօր կը ցուցուի այն տեղը՝ ուր Նաբոլէոն կը հանգչէր երբ կ'այցելէր իր ժանտախտաւոր զինուորներուն: Գաղղիացի ուղևորք միշտ կ'այցելեն այդ տեղոյն:

Գաղղիական բանակին մեկնումէն յետոյ, մեծ վէզիր Քէօր Եուսուֆ Փաշա հետապնդած է մեկնող բանակը, բայց ընդհարման ժամանակ պարտուած՝ ան վերադարձած է Յոպպէ:

1800ին Պետրոս պատրիարք Յոպպէ գնաց վանքին և ժողովրդեան թշուառութեան դարման գտնելու համար մեծ վէզիրէն՝ որուն սեղանաւորն էր և բանակին կ'ընկերանար Ակնցի Զոփենց մէտ. Անտոն ամիրան, որուն միջամտութեան կը դիմէր պատրիարքը նպատակին հասնելու համար: Պատրիարքը այդ յուսով Յոպպէ կ'սպասէր, բայց հիւանդանալով վախճանեցաւ և